



ملخص تجربتي في مذاكرة الأيلتس ٢٠١٧

# الفهرس

٤ .....	– المقدمة .....
– قسم الاستماع	
٧ .....	كيف أحصل على درجة ٧
٧ .....	اعرف أخطاءك
٧ .....	تعلم كتابة التواريخ والأيام وأسماء الأشهر
٧ .....	الخرائط والوصف في سكشن ٢
٨ .....	حدد الكلمات المفتاحية
٩ .....	اسمع كل يوم
– قسم القراءة	
١١ .....	إقرأ أول وآخر جملة من كل فقرة
١١ .....	حل الاختياري والفراغات
١١ .....	لاتخمن الصح والخطأ!
١١ .....	تعلم قراءة القرون والعقود
١٢ .....	Read theory
١٢ .....	تعلم من الأخطاء
– قسم الكتابة	
١٥ .....	اكتب كل يوم
١٥ .....	قسم وقتك

١٦ .....	ركز على الترانزشنز .....
١٧ .....	مقاطع مفيدة .....
١٩ .....	ابحث عن مدرس لتصحيح كتاباتك .....
	<b>- قسم المحادثة</b>
٢٢ .....	ابق على اطلاع .....
٢٣ .....	استخدم الخريطة في الجزء الثاني .....
٢٦ .....	ادمج نفسك في القسم الثالث ، اعطي مقارنات واراء وتجارب .....
	<b>- نصائح قبل يوم الاختبار</b>
٢٨ .....	السبعين .....
٢٩ .....	الاختبار التحريري .....
٣١ .....	<b>- الملحق .....</b>

مضت خمسة أشهر، كانت مليئة بالضياع، بالتشتت وخيبات الأمل اللامتناهية.. شهراً قبل هذا كنت اعتقد ان مستوى لغتي ليس بالسيء وان الأيلتس حاقد آخذه خلال شهر او شهرين وفعلاً لو كنت لقيت شي يساعدني كان آخذته في شهرين، مستوى لغتي مو سيء وأساساً اتفح ان الايلتس يحتاج الكثيير الكثير من التدرب وشوبية لغة!

حرفياً في هذه الشهرين كان كل اللي اسويه اني افكر كيف اذاكر؟ وانتقل من موقع احاول انظم افكاري لكن بدون فائدة، تشتت كبير وهروب من المواجهة!

قررت بعدها اني ابدأ بكتابة جدول وامشي عليه، وهنا بدأ مفعول السحر! .. كنت مركزة على الاستماع والقراءة كل يوم آخذلي اختبار تجريببي في واحد من الأقسام وخلاص .. اكتشفت لاحقاً ان هذا غير كافي غير اني ماكنت عارفة كيف ممكن اذاكر قسم الكتابة والتحدث!

عموماً، بالنسبة للاستماع والقراءة اتفح انني لازم ابذل جهد آخر في الاستماع اليومي والقراءة اليومية.. الكتابة كنت كل يوم اتدرب على سؤال واحد اما من تاسك ١ او تاسك ٢ بدون وقت محدد، كنت عادي اخذ ساعتين لكن المهم اني اكتب وال المجال أمامي مفتوح اني ادور واترجم كلمات في قوكل لأن حصيلتي اللغوية وقتها كانت غير مبشرة بخير خصوصاً ان المواضيع ماتمزح ☺! هنا استوعبت اني لازم احفظ كلمات وبعد بحث طويل طحت على حاجة اسمها AWL! وهي اختصار لـ Academic Word List — حطيتك رابط لها في الملحق — حفظت أكثر من نصها تقريباً وبعدها شفت التطور المهوول مو بس في قسم الكتابة بل وحتى القراءة والاستماع!

شيئاً فشيئاً استوعبت اني لازم احسن اسلوب الكتافي وادور على طريقة لتقسيم الوقت، وعلى اني طورت هذى النقطتين في الوقت الضائع إلا اني فخورة بالتحسن اللي لامسته.

جاء وقت اني اكسر حاجز التحدث وأدور على طريقة فعالة لتطوير هذى المهارة، كثير نصحوني بموقع Cambly وفعلاً جربته لكن للاسف ضاع شهر وانا من مدرس الى مدرس وماكان عندي فكرة مين المدرسين الكويسين .. شهر خائب باختصار!

كان باقيلي ثلاثة اسابيع على اختباري ولهذه اللحظة ماني عارفة ايش حسو؟ الين لقيت المدرس Morgan Brewster وكان أكثر من رائع مو بس لتطوير مهارتي في التحدث بل وأيضاً الكتابة!

صحيح كانت فقط ثلاثة اسابيع لكن على الأقل قدرت اتطور في التحدث بشكل ملحوظ ولو انه كان عندي مين ينصحني ويوجهني كنت أكيد حاقدر أوصل لمستوى أعلى من كذا. لكن الواحد إلا مايتعلم من الطيحات P: !

على كلٌّ، هذا الملف يضم خلاصة تجربتي الشخصية وخلاصة دراسة استمرت لمدة خمسة أشهر... آخر شهر كنت تقريباً ادرس لمدة 18 ساعة في اليوم بكل ما اوتيت من جهد بينما الأشهر الأولى لا أخفيكم انه كان فيها بعض التكاسل ولو اني شدبت حيلتي زي ماسوبيت في الشهر الأخير كان اختبرت من زمان وفكيرت نفسي ( ) !


الهم، هذا الملف ما هو تعريف باختبار الايلتس ولا راح يطور مستواك في اللغة، اتوقع من اللي يقرأ الآن ان يكون مستوى في اللغة مو اقل من المتوسط وعنه فكرة عن طريقة اختبار الايلتس وإلا ما اتوقع حيكون المحتوى مفيد بالنسبة له. أدرجت هنا بعض النصائح العامة وبعض النقاط اللي حسيتها مهمه وتحتاج ننتبه عليها وأيضاً أشرت إلى بعض المدرسين وطرق للتواصل معاهم.

أيضاً إذا كنت تبحث عن أصدقاء خاصو أو يرغبون بخوض رحلة الايلتس فهناك مجموعة تليقرام يسعدنا انضمماك اليها وتبادل الخبرات والتجارب عبر هذا الرابط:

<https://t.me/joinchat/CKJLIUR-CF6j8gE5DvVK7Q>

أتمنى لك رحلة موفقة ونصيحتي لك: استمتع أثناء مذاكرتك للأيلتس لأنه اذا كنت مسناً او غير مرتاح فما أتوقع انك حتتسوي كوييس في الاختبار ( ) ، العامل النفسي يلعب دور كبير.. أكبر مما تتصور!

–ريم بن همام



# قسم الاستماع

قسم الاستماع عبارة عن ٤ أقسام كل قسم مكون من عشرة اسئلة  
القسم الأول والثاني عبارة عن مواضيع عامة لكن الثالث والرابع تبدأ المواضيع تصعب وتكون أكاديمية. في  
نهاية القسم راح يكون عندك ١٠ دقائق لنقل اجوبتك إلى ورقة الإجابة.

# كيف أحصل على درجة ٧ في الاستماع

## ١- اعرف اخطائك

بعد ٢١ اختبار تجريببي قدرت احصل على درجة ٧ في قسم الاستماع! —للعلم بدأت من مستوى جداً متدني،

-!٣

الخبر الجيد إنك تقدر تحصل على هذي الدرجة بسهولة وفي وقت اقل بطريقة وحدة فقط: اعرف اخطائك وركل على اصلاحها! بعد كل اختبار تجريببي تسويه اقضي بعض الوقت لمعارفه اخطائك وسببها وبكذا راح تقل احتمالية الوقع في نفس الخطأ في المرات الجاية.

## ٢- تعلم كيف تكتب التواريخ والأيام واسماء الأشهر

غالباً الاخطاء البسيطة زي اخطاء الاسبلينق وكتابة التواريخ والايام خصوصاً في سكشن ١ هذي اللي تخسف درجتك.. اخطاء زي هذي يفترض تتغلب عليها، ممكن الاسبلينق يكون شوي اصعب ويختلف من شخص لآخر لكن طور مهارتك من خلال انك تكتب كثير-حاستطرد في هذي الفقرة في قسم الكتابة— عموماً هنا مقطع يساعدك بالنسبة لهذه النقطة:

<https://www.youtube.com/watch?v=rU4pdykPI6Y>

## ٣- اتدرّب على الخرائط والوصف في سكشن ٢

أحد الاسئلة الشائعة في سكشن ٢ انه يجب خريطة وانت تحدد موقع الأماكن المطلوبة حسب الوصف، هذا النوع من الاسئلة سهل جداً لكن يبغاله ممارسة وتركيز، شاهد هذا المقطع أولاً عدة مرات واطلع على معاني كلمات الوصف اللي ذكرها في الأخير

<https://www.youtube.com/watch?v=Bhh1md3yeyU>

ثم اتجه لهذه الاختبارات التجريبية وابداً التدرب

[https://www.youtube.com/results?search\\_query=labeling+a+map+in+listening+section+2](https://www.youtube.com/results?search_query=labeling+a+map+in+listening+section+2)

وواصل التدرب على عدة مقاطع حتى تتقن هذا النوع من الاسئلة

#### ٤- حدد الكلمات المفتاحية

قبل بداية كل قسم راح يعطونك وقت لقراءة جزء من الاسئلة ، لكن الحقيقة المرة ان هذا الوقت غير كافي وخصوصا في سكشن ؟ لانه يجب عليك قراءة الاسئلة من ٣١ الى ٤٠ ، عكس باقي الاقسام تكون الاسئلة مقسمة على قسمين لكل قسم وقت خاص لقراءته. عموماً ، يمديك تحصل على وقت اضافي لقراءة المزيد من الاسئلة !  
كيف؟

في نهاية كل قسم يعطونك بعض الوقت لمراجعة اجاباتك .. لاتراجعها ! اذا كنت مركز من البداية ماحتاج تراجعها وبدلا من ذلك يمديك تنتقل للقسم التالي وتبدأ بقراءة الاسئلة بأسرع ما يمكن... اثناء قراءتك للأسئلة حبيب المسجل يقولك now turn to section(..) وحبيبأ يشرحلك هذا السكشن بيتكلم عن ايش ،  
you have some time ببساطة خله بيtalk مع نفسه وواصل قراءة الاسئلة لكن خلك مركز لمن يقول to look at questions (21) to(25)  
٢٥ .. لو ادراك تقرأ الى ٢٧ مثلا فممتناز ! لكن ركز انه لمن المقطع يبدأ يشتغل من جديد حتى تدور فقط على اجابات ٢١ الى ٢٥ وبعدين حيكون عندك وقت ثاني للاطلاع على بقية الاسئلة.

المهم الآن هو انك لمن تقرأ الاسئلة احفظها بشكل مؤقت وحط خط على الكلمات الدلالية keywords هذه الكلمات غالبا تكون اسماء اشخاص او مدن او أي اسم اخر .. غالبا تكون تختصر معنى الجملة وتختصر عليك الوقت لقراءة الجملة كاملة اثناء الاستماع خصوصا بالنسبة لأسئلة الاختياري.

ما وصلت الفكرة؟ هنا مقطع لعبد الرحمن حجازي اتكلم عن هذه التكنيكية

<https://www.youtube.com/watch?v=bXgA2THeAH4&index=3&list=PLtNAQ6Bi8JoUt1pqgsXjcCJx6q3-rJ5x8>


وهنا أيضا مقطع جدا مفيد بخصوص keywords

<https://www.youtube.com/watch?v=NlwztJnKU0U>

## ٥- اسمع كل يوم

استغل وقت فراغك او وقت انشغالك بأي شغل روتيني بالاستماع ! على الاقل خصصلك ساعة يومياً تستمع فيها لبرامج تلفزيون ، يودكاست او نشرة اخبار، أي شيء .. والافضل طبعا يكون شيء اكاديمي زي BBC مثل..

تطبيق Tunein Radio في الجوال يوفر مجموعة من البرامج ومنها ال BBC يمديك تسمعها في أي وقت ، ممكن في البداية تواجه صعوبات في الفهم . استمر وتحسون كيف تتطور. كل اللي عليك تسويه انك تحط الساعات في اذنك وتشغل أي مقطع - وهو لازم تكون مركز! - لاحظ الفرق بعد شهر كيف لفتك حتنطور بشكل جدا كبير وبدون جهد مكثف - هذا اسمه سحر الاستماع ؟ ! -



## قسم القراءة

هذا القسم للأمانة يبغاله شدة حيل وممارسة كثير، القسم عبارة عن ٣ قطع طويلة (ما تمنح ! طولية مره ولا تفكر انك تقرأها) كل قطعة تحتوي على اسئلة متعلقة بها .. مجموع الاسئلة ٤٠ سؤال وعندك ٦٠ دقيقة  
تجاوب على كل الاسئلة.. سهل؟ أبدا مو سهل لكن مو مستحيل !

هنا بعض الاستراتيجيات والتكتيكات اللي حتساعدك تجيب درجة ٦ على الاقل في قسم القراءة.. مستعد؟

يلا !

## ١- اقرأ أول وأخر جملة من كل فقرة

كل قطعة ح تكون مقسمة على فقرات، كل فقرة حتتكلم عن جزء محدد في نفس الموضوع، لضيق الوقت ما حيمديك تقرأ الفقرة كاملة لكن حاول تخمن مضمون كل فقرة من خلال قراءة الجملة الاولى والأخيرة وعلى جنب في الهاشم - اكتب الفكرة الرئيسية للفقرة (مو مشكلة اذا بالعربي اهم شي حاول تستنتج الفكرة وكتبها عشان تسهل عليك عملية البحث) .. هذي الطريقة حتختصر عليك وقت وعناء قراءة القطعة كاملة، بس لازم تتدرب عليها عدة مرات قبل الاختبار الفعلي .. في البداية حتحس بتشتت وماحترف تخمن مضمون الفقرة، لكن مع التدرب حيصير الموضوع زي المويه !

دقيقة ! .. حاول ماتقسي اكثر من ٧ دقائق في هذه العملية ، واذا ضايق عليك الوقت في النهاية ممكن تقتصر في تطبيقها فقط على القطعة رقم ١ و ٢ او أول قطعتين تبدأ فيهم مهما كان رقمهم. وللمعلومية، حاول تأخذ لغة سريعة على عناوين القطع خلال اول دقيقة وقرر أي القطع اللي عندك خلفية جيدة في كلماتها وابدا فيها (مثلا لو كان تخصص حاسب او تقرأ في التكنولوجيا كثير، وصادفت قطعة في نفس هذا المجال إبدا فيها.. وهكذا).

## ٢- حل اسئلة الاختياري والفراغات أولاً

إبدأ بحل هذه الاسئلة لأن اجاباتها واضحة وخصوصا اسئلة الفراغات بمجرد ماتلقى جواب اول فراغ فأجوبة الفراغات الباقيه ح تكون غالبا محصورة في نفس الفقرة او فيها واللي بعدها ، شخصيا اعتبر هذا النوع من الاسئلة هدية لانه حلها سهل جدا لكن عشان تعرف تحل لازم تطبق الاستراتيجية السابقة اللي اتكلمت عنها وتفهم مضمون الفقرات قد ماتقدر. بالنسبة لاسئلة الاختياري فهي ايضا تجي بالترتيب فمثلا لو لقيت اجابة اول سؤال من الاختياري في الفقرة الثانية فاجابة السؤال الثاني حيكون في نفس الفقرة او اللي بعدها، مستحيل يكون في الفقرة الاولى ! شيء آخر، حدد الكلمات الدلالية في اسئلة الاختياري **Keywords** وابحث عنها وعن كلمة مقاربة لها، ولو كانت هذه الكلمة سنة او اسم شخص او مكان، فهذا ايضا سؤال هدية يمديك تحله بكل سهولة !

## ٣- لاتخمن اجوبة الصح والخطأ !

هذا المفروض تكون اخر اسئلة تحلها في قسم القراءة.. لو ما بقى عندك وقت انك ترجع للقطع وتتأكد اذا المعلومة صح او خطأ فلا تخمن ! اختار ياتحطهم كلهم صح او كلهم خطأ .. بهذه الطريقة حتضمن على الاقل اجابة حدة صحيحة لكن لو خمنت ممكن ولا وحدة من تخميناتك تطلع صح ! اجابة صحيحة افضل من لاشيء.

## ٤- تعلم قراءة القرون والعقود

أحياناً يُكتب في السؤال هذه السنة 1850s لكن من ترجع للقطعة ماتلقي نفس الرقم بالضبط! .. مافي خطأ في السؤال ولا في خطأ في القطعة، المشكلة إنك قد تكون ماعرفت تقرأ الرقم! لاحظ حرف الـ S نهاية الرقم يعني عقد وهو يدل على أي سنة مابين 1850-1859 ولو دورت في القطعة أكيد حتلaciي سنة ضمن هذه الفترة.

نفس الشي القرون.. 19 century تعني القرن التاسع عشر وهو في الفترة مابين 1800-1899 خلاصة الكلام اذا جالك سؤال فيه رقم السنة واخرها S فيجب عليك ان تبحث عن أي سنة تقع ضمن فترة

العشر سنوات .. أمثلة للتوضيح :

$$1960s = 1960-1969$$

$$1840s = 1840-1849$$

$$1860s = 1860-1869$$

$$1990s = 1990-1999$$

إذا جالك سؤال عن القرون Centuries فابحث عن أي سنة تبدأ برقم أقل بواحد من الرقم المعطى ، أمثلة

لتوضيح :

$$19^{\text{th}} \text{ century} = 1800-1899$$

لاحظ لو اخذنا اول عددين 18 وأضفنا 1 أي الفترة مابين عام 1800 الى 1899 تقع في القرن التاسع عشر. أحياناً يتم اختصار هذا المشوار ويعطيك رقم القرن مباشرة في القطعة فما يحتاج تقوم بالعمليات هذه كلها لكن لازم تعرف ان الطريقتين واردة.

## Read Theory -٥

هذا الموقع من أفضل المواقع اللي تطور مهارة القراءة عندك وتأخذك خطوة بخطوة، طريقة الموقع إنك تدخل تسوييك حساب بعدين تسوى اختبار يحدد مستواك، بمجرد ما تحدد مستواك يبدأ الموقع يعطيك قطع مناسبة لك وعليها أسئلة.. حاول كل يوم تقرأ قطعة واحدة على الأقل.

هنا رابط الموقع <https://readtheory.org/welcome/register> اختر التسجيل كطالب

ثم اكمل تعبئة البيانات المطلوبة

وهنا الاخ عبد الرحمن حجازي متكلم عنه بالتفصيل

<https://www.youtube.com/watch?v=2ZqDbbeTHw&index=3&list=PLtNAQ6Bi8JoWTVAVLigPUn3UY9Lelj4e7&t=1s>

## -٦ تعلم من الأخطاء

عشان تتدرّب على اختبار القراءة لازم تسوى اختبارات تجريبية، وعشان تطور من درجتك لازم تشوف أخطاءك وين !

صراحةً موقع <https://www.ieltsonlinetests.com> يحتوي على موسوعة اختبارات تجريبية جبارة لكلا مهارتي الاستماع والقراءة، ميزته انه بعد ما تخلص الاختبار يعطيك درجتك ويبين لك أخطائك وكمان يبين لك وين مكان الاجابة الصحيح .. بعدها تعرف ايش سبب الخطأ هل غلطت في تحديد الفكرة المناسبة، سوء فهم للجملة ، قلة فوكاب او غيرها من الاسباب .. حاول تطور من نفسك من خلال تصحيحك لأخطائك.

<https://www.youtube.com/watch?v=DyiCrioZ2FI&list=PLtNAQ6Bi8JoVx-Ze9UWPO5ic3XINW3CV7&index=18>



# قسم الكتابة

هذا القسم يستغرق ٦٠ دقيقة لكتابه مهمنان، الأولى تتطلب منك وصف رسم بياني أو خريطة أو عملية معينة في مالا يقل عن ١٥٠ كلمة. أما الثانية فهي عبارة عن موضوع حول ظاهرة معينة أو حدث معين في مالا يقل عن ٢٥٠ كلمة.

## ١ - اكتب كل يوم

لتطوير أي مهارة لازم تمارسها يومياً، اذا كان عندك وقت كافي للتحضير للايلتس – شهرين أو ثلاثة شهور مثلاً- فأنصحك انك تنسخ المقالات الأكاديمية الموجودة في موقع CNN و BBC بعدها راجع تعود نفسك على طريقة الكتابة الأكاديمية وطريقة ترتيب الأفكار وسراحتها. عموماً إذا كان قدامك شهر واحد فتجاهل هذه النقطة وعواضاً عن ذلك ممكن تتطلع وتأخذ أفكار من بعض الكتابات في تاسك ١ وtasك ٢ اللي حققت درجة عالية.

هذا الموقع مثلاً يستعرض لك أسئلة و نماذج ل task 2 essays تحقق درجة ٨

<http://www.ielts-blog.com/ielts-writing-samples/ielts-essay-samples-of-band-8>

## ٢ - قسم وقتك

أحد المدرسين نصحي بطريقة "فنانه" لتقسيم الوقت في قسم الكتابة... أغلبنا يعتقد ان تاسك ٢ هو الجزء الأصعب صحيح؟ في الحقيقة طلع زي الموية وصدقني حتى تقدر تجيب درجة ٦ وفوق لو شديت حيلك وطبقت النصائح التالية:  
أول ماتستلم الورقة إقرأ السؤال وسوي "لاشيئ" !

كيف يعني؟ خليني أفصل أكثر وأشرح طريقة تقسيم الوقت في تاسك ١ وtasك ٢ كلا على حده.

tasك ١ :

يفرض تخصصله ٢٠ دقيقة ، مقسمة كالتالي :  
أولاً تقرأ السؤال وعنده دقة وحدة تتطلع ع البيانات وتح الخطط إيش حتكتب – دائمًا حاول تح خط دوائر على التغييرات الرئيسية لأن تاسك ١ يركز على تقييم قدرتك على المقارنة، كل ما قارنت بشكل أفضل وأوضح كل مارتفعت درجتك.

الآن عندك ١١ دقيقة عشان تكتب – لاتشيل هم الفوكاب والقرامر فقط ركز ع انك تكتب.  
بمجرد ماتخلص حتلاقي انو باقيلك ٨ دقائق من ال ٢٠ .. حتقسمها كالتالي : دقيقتين لمراجعة الفوكابلري. ٦ دقائق للقرامر و دقيقتين للمراجعة الأخيرة.

الآن انتقل لتساك ٢ :

يفترض تخلصله ٤ دقيقة، مقسمة كالتالي:

دقيقتين لتوليد الأفكار.. اكتب فكريتين وكل فكرة فكر كيف حشرها وذكر مثال عليها.

٢٢ دقيقة للكتابة، اكتب بأسرع مقدرة ومرة ثانية لاتكرر للفوکاب والقramer.

الآن حتبقى ١٨ دقيقة تتقسم كالتالي: ٤ دقائق فوكاب. ٦ دقائق قramer. دقيقتين لحروف الجر prepositions.

وآخر ٦ دقائق حتى تكون للمراجعة.

احرص على انك بتركز على شيء واحد فقط في كل مرة وتحسون كيف درجتك تتطور وتحتقدر تتغلب على حاجز الوقت.

شخصياً تمنيت اني اعرف هذى الاستراتيجية من قبل بوقت كافى عشان يمدیني اتدرب عليها مرات عديدة لكن مع انو

كان عندي اسبوعين فقط لتطبيقها إلا اني فعلاً قدرت اتغلب على عامل الوقت في الاختبار الفعلى ، وفي النهاية حصلت

على ١٠ دقائق متبقة كان يمدیني اخذلي فيها غفوه بسيطة : P بس طبعاً ضميري ماسمحلي 😊 !

هنا تطبيق عملي للأخ عبد الرحمن حجازي مفيده جداً في خطوة توليد الأفكار (الدقيقة ٥٠:٢ إلى ٣٠:٥)

<https://www.youtube.com/watch?v=GogU6PZoexM&t=416s>

### -٣- ركز على الترانزشنز transitions

المقصود بالترانزشنز transitions هي الكلمات الانتقالية اللي تبين هل انت قاعد تذكر توضيح أو مثال أو نقيض

أو شيء مشابه وإلى أخره. ايش فايدتها؟ تحسن من اسلوب وحبكة كتابتك بشكل مذهل!

This is my وحدة من الاشياء اللي تتقيم عليها في قسم الكتابة هي تماسك الجمل وترابط الأفكار فمثلاً لو كتبتك

car. It has broken. It had an accident.

Trabat وتدل على ركاكة اللغة والاسلوب لكن لو انكتبت بالطريقة هذه

because it had an accident.

هنا بعض المقاطع المساعدة

[https://www.youtube.com/results?search\\_query=transitioning+in+English](https://www.youtube.com/results?search_query=transitioning+in+English)

هنا أيضاً ملف PDF يحتوي بعض الترانزشنز المفيدة احرص على حفظها والتدرُّب عليها

<http://www.umaryland.edu/media/umb/oaa/campus-life/writing-center/documents/Transitions.pdf>

## ٤- بعض المقاطع والنصائح المفيدة

### تاسك ١

بدايةً تاسك ١ يركز بشكل كبير على معرفة قدرتك على المقارنة، حيحيك رسم بياني او عملية او خريطة وعليك توصفه في مالا يقل عن ١٥٠ كلمة وما لا يزيد عن ٢٠٠ (حاول تتدرب على كتابة ١٧٥ كلمة).. هذا الجزء سهل جداً لكن لا تستهين فيه! حتى ولو كنت متمكن منه برضك اتدرب عليه وحاول ترفع درجتك فيه عشان ترفع معدلك الكلي.

تقسيمته تكون كالتالي: مقدمة **Introduction** – نظرة عامة **Overview** – المقارنة او الكلام المفصل **Body** .. لاحظ ثلاثة براقرافات وبدون خاتمة!

لتنسى تتنبه للسنة او الفترة الزمنية اللي حاطها لك عشان تعرف اذا حتستخدم اسلوب الماضي، المضارع، او المستقبل.. وبالرغم من ان طريقة كتابة **Table**، **line graph**، **pie chart**، **الـ** هي متقاربة إلى حد ما لكن طريقة مقارنة الأرقام ووصفها في الـ **line graph** مختلفة تمام عن البقية، في الأسفل خطيط مقطع على الأقل يوضح طريقة حل كل نوع من الأسئلة عشان توصل الفكرة وبعض المقاطع الأخرى المفيدة:

١- كيف تحصل على درجة عالية في تاسك ١  
<https://www.youtube.com/watch?v=x1E2wLW9pn8>

٢- نظرة عامة على تاسك ١ مع حل أمثلة  
<https://www.youtube.com/watch?v=sxksg45TZIA>

٣- كتابة المقدمة  
[https://www.youtube.com/watch?v=zpwPMIGI\\_Ks](https://www.youtube.com/watch?v=zpwPMIGI_Ks)

٤- كتابة الـ **overview**  
<https://www.youtube.com/watch?v=wX7oGxuxEZQ>

٥- بعض الكلمات المفيدة والقوية (كل ما استخدمت فوكاب قوي كلما ارتفعت درجتك)

<https://www.aehelp.com/blog/2014/04/08/academic-ielts-task-1-useful-vocabulary-for-graphs-and-diagrams/>

٦- اصلاح الـ **run-ons** والـ **fragments** (كعرب كثير مننا يعني من هذولي الشيئين في كتابته)  
<https://www.youtube.com/watch?v=rINmxljAmZ8>

٧- كتابة جمل مختصرة وواضحة المعنى (كل ما وصلت المعنى بكلمات أقل كانت كتابتك أفضل)  
[https://www.youtube.com/watch?v=K0NI0ucC\\_4](https://www.youtube.com/watch?v=K0NI0ucC_4)

٨- مقارنة بيانات الجدول  
[https://www.youtube.com/watch?v=b4B0Jt\\_RsEo](https://www.youtube.com/watch?v=b4B0Jt_RsEo)

٩- وصف الرسم الخطي  
<https://www.youtube.com/watch?v=eZ7wSyLS-v0>

١٠- وصف الاعمدة البيانية  
<https://www.youtube.com/watch?v=E3U1Y1jgGlS>

١١- وصف الـ **pie chart**  
[https://www.youtube.com/watch?v=wF\\_7ha05kxY](https://www.youtube.com/watch?v=wF_7ha05kxY)

تاسك ٢

تاسك ٢ يركز على تقييم قدرتك في ابداء رأيك و تدعيمه بالادلة و الامثلة التوضيحية ، في هذا القسم المفروض تقضي ٤٠ دقيقة لكتابة ملائقل عن ٢٥٠ كلمة ولايزيد عن ٣٠٠ (٢٧٥ هي الحل الوسط). عشان تكتب essay مرتب وقوى تحتاج تكتب ٤ براقرافات أول براقراف الأخير حيكون عبارة عن مقدمة تعيد فيها صياغة السؤال وتعرض أفكارك الرئيسية "المفروض المقدمة ماتأخذ منك وقت لانه مايغالفها شي" والبرايراف الأخير حيكون عبارة عن خاتمة تحتعيد فيها تلخيص أفكارك الرئيسية وتكتب رأيك الشخصي إذا طلب الامر (لاحظ تاسك ١ مافيها خاتمه بينما تاسك ٢ لازم تكتب الخاتمة). البراقراف الثاني والثالث واللي بنسميهما Body هنا حتختلف حسب نوع السؤال، لكن عموماً اذا طبقت تكنيكة تقسيم الوقت اللي تكلمت عنها مسبقاً فإنك اساساً حتي تكون مجهز أفكار ومرتبها وعارف اي شتتة بتكتب بالضبط فماحتضيع ولاحتشت وبالتالي حتوظف وقتك بصورة فعالة.

طبعاً في انواع لиласك ٢ احياناً بيطلب منك تكتب الميزات والعيوب، رأيك الشخصي، واحياناً بيطلب منك أسباب وحلول. لازم تتدرب على هذى الأنواع كلها، هنا مقطع يعلمك كيف تميز بين أنواع الاستئلة وايش المطلوب منك في كل سؤال

<https://www.youtube.com/watch?v=Q27U5jmcXpY>

وهنا بعض النصائح والمقطوع المفيدة في تاسك ٢ :

١- نصائح لتطوير مستوى كتابتك [https://www.youtube.com/watch?v=T0hQv4bOT\\_g](https://www.youtube.com/watch?v=T0hQv4bOT_g)

<https://www.youtube.com/watch?v=p6qVJ1KhHek>

٢- اقضي بعض الوقت يومياً لقراءة كتابات حققت درجة ٧ أو أكثر وتدرب عليها، تدرب على قطعة واحدة يومياً وحيترفع مستوى بشكل خرافي

<https://www.google.com.co/search?q=ielts+task+2+band+7&oq=ielts+task+2+band+7&aqs=chrome..69i57j0l5.7314j0j7&sourceid=chrome&ie=UTF-8>

٣- كتابة الخاتمة [https://www.youtube.com/watch?v=1F\\_UxpWWWWQ](https://www.youtube.com/watch?v=1F_UxpWWWWQ)

٤- كتابة الفواصل [https://www.youtube.com/results?search\\_query=use+of+commas](https://www.youtube.com/results?search_query=use+of+commas)

٥- تابع التدرب على استخدام الترانزشنز

[https://www.youtube.com/results?search\\_query=signposts+in+writing](https://www.youtube.com/results?search_query=signposts+in+writing)  
"to what extent"  
حل استئلة

<https://www.youtube.com/watch?v=jQ4UwqXARL4>

<https://www.youtube.com/watch?v=dxRDU6lF1mc>

-٧ في الانقلش في شي اسمه collocations وهي مجموعة الكلمات اللي دايما تجي مع بعض، فمثلا مانقول fast ... هنا مجموعة من الـ collocations الشائع استخدامها في اللغة حاول لكن نقول quick meals تكون ملم بها <https://www.englishclub.com/vocabulary/collocations.htm>

-٨ أكثر الأخطاء شيوعا في الكتابة <https://www.youtube.com/watch?v=i1XXR0kUKYk&t=69s> أخيراً، صحيح ان عدد المقاطع اللي ادرجتها هنا كبير لكن صدقني كلها مفيدة جداً وهي عبارة عن افضل المقاطع من خلاصة دراسة لمدة خمسة أشهر. الشي المهم ان هذى المقاطع ماحتكون ذات قيمة الا لو مسكت ورقة وقلم وحاولت تتدرب وتطبق الكلام اللي بتشفوه وتسمعه.

## ٥- ابحث عن مدرس لتصحيح كتاباتك

طالب صعب عليك إنك تقيم نفسك في قسم الكتابة والتحدث عموما، لكن لو اتفقت مع مدرس انه يصحح كتاباتك ويعطيك الفيدباك ع الاقل لثلاثة كتابات من كل قسم اسبوعياً حيكون شي كويس وبيساعدك على تحسين مستواك ونقاط الضعف عندك...


هنا ايميل المدرس Morgan Brewster مدرس كندي كان بيشتغل كمحترف سابق في اختبارات IELTS يمديك تتواصل معاه وتفق على انه يصحح كتاباتك او حتى يعطيك دروس في السبيكنت، -شخصياً كنت اتعامل معاه عشان اطور نفسي في التحدث واحيانا في تصحيح بعض الكتابات- [naidanac@live.ca](mailto:naidanac@live.ca) أيضاً تقدر تلقيه في تطبيق Cambly وتحجز معاه دروس.

وإذا تبغى أحد عربي فأحد الزملاء اشار للأستاذ طارق وهنا طرق للتواصل معاه:

00966555351822  
[tariqenglish1@gmail.com](mailto:tariqenglish1@gmail.com)

-للأمانة ماتعاملت معاه شخصياً-

وكمان المصحح James في دورة أبو عمر للأيلتس "اكاديمية Englishplace" جداً ممتاز لكن حتحتاج تنتظركثير لأنك بتمشي على خطة معينة الين توصل لقسم الكتابة وكمان حتكتب عن مواضيع هم يختارونها لك مو انت تختارها "حتكتب ٦ essays من كل تاسك موزعة على اسبوعين الى ٣ اسابيع". كنظرة عامة تصحيح جزء الرايتنق في الدورة هذى جداً قوي لأن المصحح يعطيك نقاط الضعف عندك والدرجة التقريبية لكتابتك وكمان يعيده كتابة ال essay اللي كتبته بصورة اقوى عشان تتعلم من اخطائك ، بالإضافة إلى انه يزودك بروابط ومقاطع يوتيوب تتعلم منها وأغلبها سبق وحطيتها لك في القسم السابق "بعض المقاطع والنصائح المفيدة" لذلك لو كنت مستعجل ع الاختبار او تبغى ترکز فقط على قسم واحد فقط فيميديك تستغنى عن هذى الدورة وتتعامل مع مدرس خصوصي يركزلك على الاقسام اللي تبغى تتطور فيها.



# قسم المحادثة

قسم المحادثة عبارة عن ٣ أقسام ويستغرق في المتوسط ١٥ دقيقة

القسم الأول عبارة عن اسئلة شخصية وعامة لاحظت انه من ضمن هذه الاسئلة ٩٠% حتنسئل اذا كنت تدرس او تشتغل وعلى اساس جوابك حيسألك بعض الاسئلة عن دراستك او شغلك فاتدرن على هذا الشي تمام.. تقربيا حيسألك عن موضوعين إلى ثلاثة مواضيع مختلفة كلها اسئلة عامة جوابك فيها مفروض يكون بين ثلاث إلى اربع جمل.

القسم الثاني عبارة عن سؤال بيعطونك دقة وحدة تفكير في اجابته ودقيقتين تتكلم، حيث يطبع هذا السؤال سؤال بسيط في النهاية اجابته غالبا حتنكون من جملتين إلى ثلاثة.

القسم الثالث في نفس موضوع القسم الثاني لو مثلا كان السؤال في القسم الثاني عن العائلة فالقسم الثالث برضو حيسألك عن العائلة والعلاقات .. وهكذا. عموماً، على الرغم من ان الكثير بيعتبر هذا القسم وسيلة سهلة جدا لرفع درجتهم في الايلتس، إلا انه كان بيشكل عقدة بالنسبة لي لأنني ماكنت أقدر أكمل موضوع او قصة قصيرة بدون ما أوقف شويه وأذكر وأجمع فوكاب ... الطلاقة او fluency عندى كان جدا مضروب وكان أيضا يسبلي مشكلة في ترابط وتماسك الجمل والأفكار وهذى كلها عوامل مهمة بتتقيم عليها من قبل المختبر.

هنا شرح للمعايير اللي يتم تقييمك على اساسها في قسم التحدث <https://www.youtube.com/watch?v=8OUERcfhvRI>

## ١- ابق على اطلاع

من المشاكل اللي واجهتها ولاحظت الكثير برضو يواجهها هي الأفكار! أو باسلوب آخر: عدم المامك بالموضوع مثلاً يسألك المختبر عن سؤال يتعلق بالموضة والأزياء وإننت مره مالك في هذا المجال فنتوهدق!

الحل خلك دائمًا على اطلاع، اقرأ في الصحف والمجلات واسمع للـBBC يوميًا زي ما اشرت في نصائح قسم الاستماع. وكمان اطلع على الأسئلة الشائعة في قسم التحدث واتدرب عليها، معظم الأسئلة تكون غالباً مكررة خصوصاً في بارت ١

هنا ملف يضم مجموعة وافية من الأسئلة:

[http://www.mediafire.com/file/rmbuyv1dbqkn1ac/speaking\\_tips\\_forIELT\\_S.pdf](http://www.mediafire.com/file/rmbuyv1dbqkn1ac/speaking_tips_forIELT_S.pdf)

وهنا كتاب مع ملفاته الصوتية جداً مفيدي يدربك من الصفر في مواضيع مختلفة —إذا وقتك محدود أو مستواك في التحدث ممتاز فما راح تحتاجه—

[https://onedrive.live.com/?authkey=%21ABJ74T\\_drWXnzpl&id=B4EC66E1D61698CD%21171649&cid=B4EC66E1D61698CD](https://onedrive.live.com/?authkey=%21ABJ74T_drWXnzpl&id=B4EC66E1D61698CD%21171649&cid=B4EC66E1D61698CD)

## ٢- استخدم الخريطة في الجزء الثاني

الجزء الأول من قسم المحادثة سهل ومايبيغاليه ، الجزء الأصعب هو الثاني ، الدقيقة ماهي كافية انك تخطط إيش  
حتقول ولأن الجواب يلزمك تتكلم لمدة دققتين فهنا الورطة ! كيف استهل في الكلام؟

الحل هو إنك تستخدم الخريطة! بعد مانصحني المدرس Morgan باستخدام الخريطة كان جدا سهل علي اني  
استهل في الكلام وارفع درجتي في بارت ٢ .. ايش هي الخريطة طيب؟

بالعربي الخريطة تقولك : أولا إبدا بمقدمة بسيطة تشرح فيها ليش حتكلم عن هذا الموضوع (انتبه تبدأ كلامك بإنك  
تقول I'd like to talk about أو I'm going to talk about لأنه ماعتبر اسلوب تحدث طبيعي ،  
ماحتروح لصديقك وتقوله اسمع انا حاب اكلمك عن فلان الفلاني !) بدلا من ذلك اذكر سبب اختيارك لهذا الموقف  
بالذات او هذا الموضوع بالذات عشان تتكلم عنه مثلا كان السؤال : اتكلم عن احد اصدقائك المفضلين ، اخترت انك  
تكلم عن صديقك أحمد ، في المقدمة HTوضح سبب اختيارك لأحمد بالذات.. مثلا: صديقي أحمد من أحد  
الأشخاص اللي وجودهم مهم في حياتي عشانه دائمًا يدعمني ويحفزني لتقديم أفضل ما عندي.

بعد كذا راح تكتب فكريتين اساسية تتكلم عنها ، مثلا: فكرة١- اول مره اقابلها فيها .. فكرة٢- شخصيته .. بعد  
كذا HTوضح كل فكرة و تتكلم عن ذكرى ، موقف ، مشاعر ،رأي .. الخ .

مثال: فكرة١- اول مره اقابلها فيها

التوضيح: أول مره اقابلها فيها احمد من كنا ندرس في الثانوي ، بالتحديد في معمل الحاسب بحكم اننا كنا نجلس  
جنب بعض فهناك كانت البداية .

ذكرى: افتكري في أول حصة لنا كان جداً معصب ومكان يعبر أحد .

رأي: بصرأحة مره ما استساغته في البداية وكان مستحيل اننا تكون اصدقاء!

فكرة٢- شخصيته

التوضيح: بالرغم من انه كان جداً عصبي في البداية إلا انني اكتشفت انه شخص جداً لطيف وطيب .  
مثال: اللي اقصده انه دايماً يحب يساعد الناس ، فمثلاً دايماً من اطلع معاه الاقيه يساعد الناس الغلبانة باللي يقدر  
عليه .

ذكرى/موقف: افتكراً الأسبوع اللي فات اتصلت عليه عشان نطلع نلعب كوره بس قالـي انه ماحيقدر لـانـه كان يساعد  
بعض الأشخاص في مكان ما .

وأخيراً راح تختـم بخاتمة بسيطة ترجع تربط فيها الموضوع بالسؤال .

الخاتمة: وعشان كذا اعتـقـدـ انـ أـحمدـ واحدـ منـ أـعزـ اـصدـقـائيـ .

واو! هو الموضوع بس كذا؟ يب بس كذا!

الغرض من اني كتبت بالعربي عشان توصل الفكرة لكن الحين راح اكتب الكلام بالانقلش:

أولا هذه هي هيكلة الخريطة:

General - (explain why this topic)

Specific1 – (explain) then add personal exp\memory\opinion\etc.

Specific2 – (explain) then add personal exp\memory\opinion\etc.

closing sentence – answer the last section of the question.

الحين راح نطبقها على مثال أحمد:

## Describe your best friend.

You should say:

- Who is he
- How long you two are friends
- What you do together

And explain why s/he is your best friend.

### Answer:

General – Ahmed is one of the closest friends in my life because he always supports and motivates me to do my best.

Specific1 – how I met him

(explain) I met him when we were at high school, precisely at the computer laboratory, we were sitting just next to each other.

memory: I remember he was very nervous at the first day of school and he wouldn't talk to anybody.

opinion: I didn't really like him when we first met. It was impossible to become friends.

## Specific2 – personality

(explain) Although he was very nervous, it turns that he has a very kind personality.

example: what I mean is: he always trying to help others. For example, whenever we go together he always trying to help the poor.

memory: I remember just last week wanted him to come with me to play soccer and he said that he said that he wasn't able because he was helping in some place.

closing sentence – and that is why I was thinking about my friend Ahmed.

طبعاً جوابك حيكون بس الكلام اللي مكتوب بالرمادي. وخلال الدقيقة المتاحة لك للتخطيط اكتب سبب اختيارك للكلام عن الشيء الفلاني + كلمة وحدة لكل فكرة، وفكر بمثال او موقف تدعّم فيه كل فكرة.. كذا انت في السليم واذا تهت اثناء الكلام ارجع للورقة. أهم شيء لا تكتب جمل بل اكتب كلمات لانه وقت الكلام ما بيكون عندك وقت تقرأ الجمل اللي كتبتها. ولو تلاحظ، أبداً ما ركزنا على الاسئلة اللي عطاك ايها في السؤال، لا تركز على انك تجاوب الاسئلة بل ركز على انك تتكلم بكل اريحية ضمن نطاق الموضوع المعطى وكأنك native speaker وتحسون كيف درجتك بتحسن.

### ٣- ادّمج نفسك في القسم الثالث ، اعطي مقارنات واراء وتجارب

القسم الثالث يشبه القسم الأول إلا ان الاسئلة تكون معقدة أكثر وتحتاج تعطي من ٤ إلى ٥ جمل وتضييف مقارنات وتجاربك أو اراءك الخاصة . باختصار سوي نفسك عريّف حتى لو ما عندك سالفه ، اخترع و اكذب لو احتجت .. في

النهاية هو اختبار لتقدير مستواك في التحدث مو لتقدير مستوى صدقك ☺ !

مثلاً سألك عن التكنولوجيا وكيف أثرت على حياتنا

ممكّن تكون مؤيد على انها سهلت حياتنا كثير أو انك ضد الثورة التكنولوجية لأنها بعّدت الناس عن بعض -على

سبيل المثال- هذا يعتبر شرح لوجهة نظرك لكن جواب زي كذا حيكون ممتاز لبارت ١ مو بارت ٣ .. في بارت ٣

اعطي مقارنات أو تجربة من واقع الحياة مثلاً كيف كانت حياتنا قبل وبعد التكنولوجيا ، اروي قصة صديقك اللي

انتقل للعيش في المدينة بعدما كان عايش في قرية محدودة الاتصالات وكيف استغرب من الحياة اللي بنعيشها في

المدينة وقلة التواصل بين الناس مقارنة بالقرية -حتى لو هذا الصديق من وحي الخيال ، خذ راحتك في الخرش بس

لاتشطح كثير☺-

وبالنسبة ل "ادّمج نفسك" فاللي اقصده انك توضح مشاعرك و موقفك تجاه هذا الموضوع اللي قاعد بيصير ، هذا الشي راح

يضيف انطباع كويس لمستوى لغتك وقدرتك عالكلام بأريحية .

شفت كيف نقاط بسيطة تأثر؟

في الختام ، اتدرب اتدرب اتدرب... معرفتك لهذه الامور تساوي صفر اذا ماطبقتها على ارض الواقع و تدرّبت عليها لمدة

كافية قبل الاختبار.



نصائح قبل الاختبار

قبل الاختبار بيوم لاتحط نفسك تحت أي ضغط أبداً ولا تذكر أي حرف متعلق بالايلتس، يكفي الفترة اللي قضيتها مسبقاً، يوم ما حيفيدك بشيء بالعكس حيشتك ويفقدك تركيزك.. بدلاً من ذلك، حاول تقضي وقت ممتع مع بعض الأصدقاء أو خلّك في البيت اذا كنت شخص بيتوبي مثلية ☺ .. شاهد فلما او مسلسل المفضل واستمتع بوقتك، الزبده سوي أي شيء ممتع بعيداً عن ضغط الايلتس... حاول تتجنب المنهيات ونام بدرى واهم شيء احرص انك تاخذ كفایتك من النوم قبل يوم الاختبار، سوي كل العوامل اللي حتخليك مركز وقتها. هذي نصائح عامة وهنا نصائح لاختبار السبي肯ق والاختبار الكتابي:

## ١- السبي肯ق

روح قبل الوقت المحدد بـ ٢٠ دقيقة على الأقل، لو كان اختبار السبيكنق قبل الاختبار التحريري فيلزمك بعض الوقت عشان ياخذون بصمتكم ويأخذون صورة شخصية ويتحققون من هويتك.. حط هذا في بالك برضو لو كان الاختبار التحريري قبل السبيكنق في كلا الحالتين اوصل للمركز قبل الاختبار بنصف ساعة او ٢٠ دقيقة على الأقل.  
لو كان اختبارك السبيكنق في وقت متأخر حاول تتصل عليهم وتشوف اذا في أي أحد كنسل موعده ويمديك تجي بداله – حتى لو هم كاتبين في الاشعار اللي وصلكم ع اليميل ان الموعد غير قابل للتغيير عادي دق عليهم،انا دخلت قبل موعد اختباري بربع ساعة -.

ثاني شيء ! it is all about confidence

خلّك واثق من نفسك او حتى مثل محد راح يعرف ايش جواتك. لو اختبارك الظهر او العصر حاول تغير جو الصباح اطلع اتمشى روك شوف شيء كوميدي او سوي رياضة ع الأقل تخفف من التوتر.. اهم شيء لا تخلي لنفسك فرصة انك تفكّر زيادة عن اللازم بالاختبار، اقرأ اذكارك واتوكل على ربك وحتنيس.

## ٢- الاختبار التحريري

هنا رسالة من Morgan - مدرسي اللي قلتكم عنه سابقا - يشرح فيها طريقة لرفع درجتك .. طبقها قبل الاختبار بيومين أو ثلاثة أيام - سواء سبيكشن أو تحريري - .. أهم شي لا يكون في اليوم اللي قبل يوم الاختبار - لاتحاول تذاكر شيء في هذاك اليوم .

As an IELTS tester I hope these tips will help you reach your goals.

These are only for people who have the current IELTS level more than band 5 \*\*

The most common question that students ask is: "How long does it take me to increase 1.0 point in IELTS?"

My answer is one day!

Most people are shocked with that answer. Here is my calculation:

To increase 1.0 point of the overall result, you have to increase at least 3 marks of the total marks for the whole 4 skills. Because your overall score is the average of the 4 marks of Listening, Reading, Writing and Speaking. Now, divide 3 marks (in total) by 4 (skills), you'll get 0.75 point for the overall score, and this will be rounded to 1.0 point.

Now, the problem is "how to get 3 more marks over the total marks of the 4 skills?". I divide them into 3 separate missions: +1 score in Listening, +1 score in Reading and +1 score in Writing.

1/ Mission number 1: increase 1 more score in the IELTS Listening test.

To increase 1 score in the Listening test, you have to get 4 - 7 more correct answers.

People often make more wrong answers in the section 3 and 4 of the IELTS Listening test due to the lack of concentration. If you don't practice properly, your brain will be frozen for a few seconds after section 1 & 2.

Section 1 & 2 of the IELTS test are much easier than the rest. So when practicing, make sure that you get 10/10 for these 2 sections. Spend about 1 hour to listen to only section 1 of 10 tests, you'll see the obvious improvement throughout this way. Do the same for section 2. Then try to do 2 full Listening tests, I'm sure you'll get at least 4 more correct answers compare to your result before practicing this way.

2/ Mission number 2: increase 1 more score in the IELTS Reading test.

As the same band scale with the Listening test, you have to get 4 - 7 more correct answers.

There are some tips for you:

- The answers to the questions are in order in the passage. So don't read the passage first, have a look at the questions first and underline the key words. Then get back to the passage to look for the key words/synonyms/same meaning phrases with the key words in the questions. Key words are the main factor that the question asks and the signs that are easy to find (years, names..)

- If the questions are "paragraph heading" or "which of the paragraph contains...", skip to the next type of questions and come back to this later after answering all the rest.

So what is the point now? Spend 1 hour to practice only passage 1 of 3 Reading tests following this way (20 minutes for each passage), scan out for new vocabulary during practicing. Then spend 1 more hour on a full reading test, you will see the significant improvement and I believe you will get at least 4 more correct answers.

3/ Mission number 3: increase 1 more score in IELTS Writing test.

Most students are afraid of writing.

Most IELTS centers are teaching writing by giving a template or even a format of what you write. How is that possible?

The IELTS test is designed to test the ability to use English of a non-native English speaker. So it will be best if you can use your own English, not using English following other's templates. My advice for IELTS writing is to write what the examiner looks for.

The examiner wants to see comparisons in task 1 and the organized idea expression in task 2.

To make comparisons, you have to understand clearly what the chart is about. So this is about the ability to analyse the chart. Spend 30 minutes to just generally analyse 6 different types of chart, 10 minutes to look for some useful phrases and adverbs to describe a trend, then start to write a report for task 1. You will see it's much easier than you think.

To complete the whole essay in task 2, you have to know exactly how to write 3 separate parts: introduction, body paragraphs, and conclusion. Practice writing separately: spend 1 hour on writing only introductions by paraphrasing the question, another 1 hour on writing only conclusions by summarizing your opinions, then 2-3 hours on writing the paragraphs following a fine structure: 5 sentences for each paragraph and you should write 2-3 paragraphs only.

The most important thing when practicing IELTS writing is a fine method. Try to find a method that suits you and stick to that, or you can make your own rules for writing but remember not to practice different styles of writing. Be stick to only one finest method that you like. I'm sure you will find your writing skill increased clearly.

So, 1.0 point of the IELTS test cost you (at least):

- 3 hours on listening
- 2 hours on reading
- 1 hour on writing task 1
- 4-5 hours on writing task 2

In total: 8-9 hours on practicing with a proper method = 1.0 point in IELTS test.

This is what I think: Take the map as a metaphor for achievement in IELTS. You have to know exactly where you are to set the "start point" on the map, then take a bit time to look for the shortest way to the "end point". By this way, you can save your time and money on going with no direction or going on the longer way.

# الملحق

- قروب التليغرام لتبادل الخبرات <https://t.me/joinchat/CKJLIUR-CF6j8gE5DvVK7Q>
- مجموعة كلمات الـ AWL <https://www.mediafire.com/?4ob1huecyepo95p>
- تطبيق Cram لحفظ الكلمات <http://www.cram.com/flashcards/apps>
- موقع مفيد للاختبارات التجريبية (ركز على كتب كامبردج من ۱-۱۲) <http://ieltonlinetests.com>
- حاسبة درجات الايلتس [http://www.examenglish.com/IELTS/IELTS\\_Band\\_Score\\_Calculator.html](http://www.examenglish.com/IELTS/IELTS_Band_Score_Calculator.html)
- قناة دليلك للأيلتس <https://www.youtube.com/channel/UCDJhR5ozxY4EFGbpz140EJw>
- موقع اكاديمية Englishplace <https://englishplace.net>
- موقع Cambly <https://www.cambly.com>
- موقع Readtheory <https://readtheory.org>
- تطبيق Tunein Radio لتطوير مهارة الاستماع [https://theapps.observer/apps/music-audio/tunein-radio?gclid=Cj0KCQjwlMXMBRC1ARIsAKKGuwjjQhla3gbFbfODQyLHIgYbqKvQJxEHyxr8ZikoZ3N-SjiGQlsrdYoaAntQEALw\\_wcB](https://theapps.observer/apps/music-audio/tunein-radio?gclid=Cj0KCQjwlMXMBRC1ARIsAKKGuwjjQhla3gbFbfODQyLHIgYbqKvQJxEHyxr8ZikoZ3N-SjiGQlsrdYoaAntQEALw_wcB)